


**JAMHUURIYADDA FEDERAALKA SOOMAALIYA
WASAARADDA GANACSIGA IYO WARSHADAHA**



**XEER-NIDAAMIYAHA SHARCIGA SHIRKADAHA
SHARCI LAMBAR-18 EE 26.12.2019**

TUSMO

TUSMO.....	i
LIISKA LIFAAQYADA.....	ii
Qod.1aad: Aasaasidda Xafiiska Diiwaanhayaha Shirkadaha.....	1
Qodobka 2aad: Madaxa Diiwaanhayaha.....	1
Qodobka 3aad: Ku-Xigeenka Madaxa Diiwaanhayaha Shirkadaha.....	2
Qodobka 4aad: Shaqooyinka Diiwaanhayaha Shirkadaha.....	2
Qodobka 5aad: Awoodaha Diiwaanhayaha Shirkadaha.....	2
Qodobka 6aad: Bixinta Shahaadada Aasasidda Shirkadaha.....	3
Qodobka 7aad: Bixinta Laysinka Ganacsi.....	4
Qodobka 8aad: Dukumiintiyada looga baahan yahay diiwaangelinta shirkadaha.....	5
Qodobka 10aad: Shuruudaha Magaca.....	5
Qodobka 11aad: Sii Qabsasho Magac.....	6
Qodobka 12aad: Beddelidda Magaca.....	6
Qodobka 13aad: Caddeynta Cinwaanka.....	6
Qodobka 14aad: Khidmadaha.....	6
Qodobka 15aad: Warbixin Sannadeedka Shirkadda.....	6
Qodobka 16aad: Noocyada Lacag Bixinta.....	7
Qodobka 17aad: Diiwaangelinta Khadka Tooska ah (online registration).....	7
Qodobka 18aad: Sixidda Xogta Diiwaangashan.....	7
Qodobka 19aad: Diiwaangelinta Laan Shirkad Shisheeye.....	8
Qodobka 20aad: Xasaanadda.....	8
Qodobka 21aad: Xadgudubyada iyo Ganaaxyada.....	8
Qodobka 22aad: Xeer-Nidaamiyeyaasha.....	9
Qodobka 23aad: Tirtiris Xeernidaamiye Hore.....	9
Qodobka 24aad: Dhaqangalinta.....	9
Shaxda 1aad.....	10
Khidmadda Aasaasidda Shirkadaha.....	10
Shaxda 2aad.....	11
Ganaaxyada.....	11
Shaxda 3aad.....	12
Sumadda Abla-ablaynta Hawlaha Ganacsiga (ICC).....	12

K. Omar



LIISKA LIFAAQYADA

1. Nidaamka Abla-ablaynta
2. Jaantuska 1aad: Khidmadaha Aasaasida Shirkadaha iyo Laysinka Shirkadaha

h-omar

**XEER WASAARADDA GANACSIGA IYO WARSHADAHA Lambar 001/2021 Taariikh 27
January 2021**

WASIIRKA GANACSIGA IYO WARSHADAHA

1. Markuu Arkay Qodobka 102, lambar (1) ee Dastuurka KMG Jamhuuriyadda Federaalka Soomaaliya
2. Markuu arkay Qoddobada 14aad, 83aad-87aad, 89aad, 92aad iyo 99aad ee Sharciga Shirkaddaha ee lambar 18 soona baxay 26 Disembar 2019
3. Markuu garawsaday baahida loo qabo in la dhiirrigeliyo ganacsiga, wax soosaarka iyo maalgelinta si loo harmariyo dhaqaalaha Soomaaliya iyadoo la fududeynaayo habraaca dhismaha, diiwaangelinta, laysimada iyo adeegyada kale ee ganacsigu u baahan yahay
4. Markuu tixgeliyey fursadaha tiknolojiyada isgaarsiinta ee u sahlaaya ganacsatada in ay helaan adeegyada wasaaraddu bixiso ayaga oo jooga xafiiskooda ama goobaha shaqada, maacaamiishuna ka heli karto akhbaarta ay shirkadaha iyo ganacsigooda uga baahan yihiin si khadka tooska ah (online).

WUXUU XEERIYEEY

Qod.1aad: Aasaasidda Xafiiska Diiwaanhayaha Shirkadaha

1. Waxaa la dhisay Xafiiska Diiwaanhayaha Shirkadaha (oo hadda ka dib la oran doono "Diiwaanhayaha Shirkadaha") kaas oo leh jiritaan sharci, kana tirsan isla markaana hoos yimaadda Wasaarada Ganacsiga iyo Warshadaha.
2. Diiwaanhayaha Shirkaduhu wuxuu leeyahay awood iyo sharciyad uu ku dhaqangaliyo Xeer-nidaamiyahan kuna maamulo howlaha shirkadaha sida ku xusan Xeer-nidaamiyahan.
3. Diiwaanhayaha Shirkaduhu wuxuu aasaasi karaa laamo marka loo baahdo si loo daboolo baahida loo qabo in la gaarsiyo adeegga Diiwaanka Shirkadaha dalka oo dhan.

Qodobka 2aad: Madaxa Diiwaanhayaha

1. Madaxa Diiwaanhayuhu waa sarkaal dawladeed oo uu magacaabay Wasiirka Ganacsigu iyo Warshadaha iyada oo la raacayo Sharciga Shaqaalaha Rayidka ah.
2. Madaxa Diiwaanhayuhu waa shakhsiga masuulka ka ah kaydinta iyo ilaalinta xogta shirkadaha ganacsi ee cusub iyo kuwa hadda jira ee si sharci ah u diiwaan gashan. Sidoo kale wuxuu ilaalinaayaa sameynta shirkado cusub iyo cusboonaysiinta ama wax-kabeddelka kuwa hadda jira.
3. Madaxa Diiwaanhayuhu wuxuu mas'uul ka noqon doonaa in uu xifdiyo, dhammaan dukumiintiyada loo soo gudbiyo Diiwaanhayaha Shirkadaha, kuwa daabacan iyo kuwa elektarooniga ah labadaba, sida Sharciga Shirkadaha iyo Xeer-nidaamiyahaani dhigaayaan wuxuuna u oggolaanayaa dadweynaha in ay heli karaan xogtaas si waafaqsan Qodobka 32, faqrada 1aad ee Dastuurka Jamhuuriyadda Federaalka Soomaaliya.

K. Omar



4. Madaxa Diiwaanhayuhu wuxuu baarayaa oo diiwaangelinaya dhammaan warbixinnada iyo dukumiintiyada kale ee loo gudbiyo Diiwaanhayaha.
5. Madaxa Diiwaanhayuhu wuxuu diyaarin doona aragti sharci iyo warbixinno sharci oo kooban isla markaana wuxuu ka caawin doona Wasiirka sidii loo dejin lahaa habraacyada/xeerarka loogu talagalay in lagu gaadho ujeedooyinka Sharciga Shirkadda markii loo baahdo.

Qodobka 3aad: Ku-Xigeenka Madaxa Diiwaanhayaha Shirkadaha

1. Waxa kale oo jiri doona Ku-xigeenka Madaxa Diiwaanhayaha iyo tiro Kaaliyayaal Diiwaanhayaha iyo saraakiil kale ah marba sida loogu baahdo iyada oo la eegayo ujeeddada Xeer-nidaamiyahan.
2. Haddii uu Madaxa Diiwaanhayuhu ansixiyo, Saraakiisha kale ee noocan ahi waxay yeelan doonaan awood ay ku fuliyaan shaqooyinka Xafiiska Diiwaanhayaha Shirkadaha sida ku xusan Xeer-nidaamiyahan.

Qodobka 4aad: Shaqooyinka Diiwaanhayaha Shirkadaha

Shaqooyinka Diiwaanhayaha Shirkadaha Waxaa ka mid ah:

- 1 Bixinta shahaadooyinka aasasidda shirkadaha oo leh lambar taxane ah oo khaas ah iyo astaamo amni iyo Bixinta rukhsadaha ganacsiga guud iyo hawlaha warshadaha oo iyagna leh lambar taxane ah oo khaas ah iyo astaamo amni.
- 2 Hubinta in dhammaan diiwaanada uu hayo Diiwaanhayuhu ay u yaalliin qaab suurto galinaya in dhammaan macluumaadka ku jira diiwaanadaas si fudud loola soo bixi karo si loo baaro nuqullana looga sameeyo.
- 3 In uu mas'uul ka ahaado hubinta in la gudbiyo khidmadaha uu Diiwaanhayaha u ku jideeyay Xeer-nidaamiyahaani ama shuruuc kale ee Dalka lagu shubo Xisaabta Khasnada Dawladda;
- 4 In uu noqdo ilaaliyaha shaabadda diiwaanka shirkadaha;
- 5 Diyaarinta iyo u soo gudbinta warbixin Wasiirka loo gudbiyo muddo lix bilood gudaheed ah oo ka bilaabanta dhamaadka sanad-xisaabeed kasta, (sanad xisaabeed) oo ku saabsan hawlaha xafiiska iyo waxqabadyada Diiwaanka Shirkadaha oo ay weheliso warbixinta maaliyadeed ee hawl-galadaas iyo waxqabadyadaas.
- 6 Qabyo-tirka iyo cusbooneysiinta keyd macluumaad oo elektarooniga ah iyo ka dhigidda macluumaadka shirkad kasta in ay ka heli karaan dadweynuhu iyada oo aan la dhaafayn xuduudaha uu banneeyay Xeerkani iyo Sharciga Shirkadaha.
- 7 Diiwaanka Shirkaduhu waxaa uu qaban doonaa warbixinta sanadlaha ah ee shirkadaha diiwaangashan.
- 8 In uu adeegsado wixii kale ee awood ah ee Sharciga Shirkaduhu ama shuruucda kale ama xeer-nidaamiyayaasha uu soo saaro Wasiirku ay siinayaan Diiwaanhayaha.

Qodobka 5aad: Awoodaha Diiwaanhayaha Shirkadaha

1. Diiwaanhayaha Shirkaduhu wuxuu awood u leeyahay in uu xaqiijiyo u hogaansanaanta shuruudaha sharci ee diiwaangelinta shirkadda isagoo hubinaya magaca shirkadda, cinwaanka xafiiska diiwaangashan, nooca ganacsiga, faahfaahinta agaasimayaasha, faahfaahinta saamileyda, caddeynta cinwaanka iyo Aqoonsiga, qabashada khidmadda diiwaangelinta.

K. Omar



2. Diiwaanhayaha Shirkaduhu wuxuu awood u leeyahay inuu baaro diiwaanka shirkaddaha ee yaala Diiwaanhayaha Shirkadaha si loo helo macluumaadka aasaasiga ah.
3. Diiwaanhayaha Shirkaduhu wuxuu awood u leeyahay go'aaminta iyo qabashada khidmadaha iyo ganaaxyada ku xusan Shaxda 1aad iyo Shaxda 2aad ee sharcigan. Diiwaanhayaha Shirkaduhu waa inuu hubiyaa in dhammaan ogeysiisyada khidmadaha ay heli karaan dadweynuhu.
4. Diiwaanhayaha Shirkaduhu wuxuu leeyahay awoodda baaritaan sida ku qeexan Faqradaan 4aad ee la xiriirta howlaha khiyaanada leh ee ku tilmaaman faqrad hoosaadka (a) ama (b) haddii:
 - (a) Diiwaanhayaha Shirkaduhu uu helo sababo macquul ah oo tilmaamaya in qodobada Xeerkan ama Sharciga Shirkadaha aan la raacin,
 - (b) ama in dukumiinti la soo gudbiyay sida uu dhigayo Xeerkani uusan shaaca ka qaadin xaqiiqda dhabta ah ama uusan bixinayn qiraal buuxa oo ku saabsan arrimaha sharcigu tilmaamay in la soo bandhigo,
 - (c) Diiwaanhayaha Shirkaduhu wuxuu qoraal ah kaga dalban karaa shirkadda ay khuseyso in ay soo saarto buugaagta iyo diiwaannada shirkadda ama in ay ku soo bixiso qoraal ahaan macluumaadkaas ama sharraxaaddaas sida Diiwaanhayaha Shirkaduhu uu qoraalkiisa ku qeexay. Buugaagta, diiwaanada ama macluumaadka noocaas ah waxaa lagu soo saari doonaa muddada qoraalka lagu cayimay.
 - (d) Marka ay shirkadi hesho tilmaanta qoraalka ah ee ku xusan faqrad hoosaadka (c) ee Faqradaan waxaa ay noqonaysaa waajib saaran dhammaan maamulayaasha, agaasimayaasha iyo saraakiisha shirkadda in ay soo gudbiyaan buugaagta, diiwaannada ama sharraxaadda inta ay awood u leeyihiin.
 - (e) Diiwaanhayaha Shirkaduhu kaydka kuma dari doono dokumanti la xiriira timaanta qoraalka ee ku xusan faqrad hoosaadka (c) ee Faqradaan illaa iyo inta tilmaantaas la fulinayo, sidoo kalena laguma daraayo haddii jawaabaha la bixiyay ay tilmaamayaan in dukumiintigu uusan waafaqsaneyn qodobada Xeerkan ama Sharciga Shirkadaha.
 - (f) Wixii cabasho ah ama khilaafaad ah ee la xiriira baaritaanka ku tilmaaman Faqradaan waxaa loo gudbinayaa oo go'aan ka gaaraya Wasiirka Ganacsiga iyo Warshadaha.
 - (g) Wasaaradda Ganacsiga iyo Warshaduhu waxaa ay awood u leedahay in ay u gudbiso Xafiiska Xeer Ilaalinta si uu talaabo sharci uga qaado wixii faldambiyeed ah ee la xiriira hawlaha Diiwaanhayaha Shirkadaha.

Qodobka 6aad: Bixinta Shahaadada Aasasidda Shirkadaha

1. Haddii Diiwaanhayaha Shirkaduhu uu ku qanco in shuruudaha Sharcigan Shirkadaha ee ku saabsan codsiga abuuridda shirkadaha la dhammaystiray isla markaana la bixiyay khidmadda la jideeyay, Diiwaanhayuhu wuxuu gelinayaa faahfaahinta shirkadda Diiwaanka Guud.
2. Haddii Diiwaanhayaha Shirkaduhu uusan sidaa ugu qanacsaneyn, wuxuu isla markiiba ogeysiinayaa codsadhaha(yaasha), isagoo qoraal ku sheegaya sababaha.

K. Umar



Khilaafka arrintan ku saabsan waxaa racfaan looga qaadan karaa Wasaaradda. Haddii codsaduhu uusan ku qanacsaneyn go'aanka Wasiirka, wuxuu racfaan u qaadan karaa Maxkamadda Sare ee Dalka.

- 3 Diiwaanhayaha Shirkaduhu, isagoo raacaya habraaca diiwaan-gelinta, wuxuu siin doonaa ganacsiyada lambar gaar ah oo tilmaamaya caynadda shirkadda iyadoo la siinayo shahaadada abuurista shirkadda taas oo ka koobnaan doonta nooca iyo magaca shirkadda, shaabadda Wasaaradda, taariikhda iyo goobta laga bixiyay, qoraalka rasmiga ah ee caddaynaya in ay shirkaddu ka soo baxday shuruudihii sharciga ahaa sidaa darteedna ay ka diiwaan-gashan tahay Jamhuuriyadda Federaalka Soomaaliya uuna saxiixay Madaxa Diiwaanhayuhu ama kuxigeenkiisu.
- 4 Shahaadada abuurista shirkadaha waxaa lagu soo saari doonaa hal (1) maalin shaqo gudaheed ka dib marka dukumentiga codsiga la soo gudbiyey lana aqbalay.
- 5 Shahaadada abuurista shirkaduhu waxaa ay ansax tahay ilaa iyo muddada ay shirkaddu jirto marka laga reebo isku-biiridda shirkadaha, marka shirkad la iibsado iyo isbedelada waaweyn ee waajibinaya dib u diiwaangelinta shirkadda.
- 6 Shahaadada abuurista shirkadda ee lagu soo saaray Qodobkan ayaa ah caddayn kama danbays ah oo tilmaamaysa in shuruudihii Xeerkan iyo kuwii Sharciga Shirkadaha ee diiwaangelinta iyo abuurista shirkadaha la fuliyay.

Qodobka 7aad: Bixinta Laysinka Ganacsi

- 1 Diiwaanhayaha Shirkaduhu wuxuu sidoo kale siinayaa shirkad gaar loo leeyahay ama shirkad dadweyne lambar laysin ganacsi oo khaas ah si uu u bilaabo hawl ganacsi, kaas oo ah rukhsad guud oo ganacsi waafaqsanna hawsha ku tilmaaman laysinka, si waafaqsan Sharciga Laysimada Ganacsiga.

K. Omar

Qodobka 8aad: Dukumiintiyada looga baahan yahay diiwaangelinta shirkadaha

1. Sida ku tilmaaman Qodobka 6 iyo Qodobka 13 ee Sharciga Shirkadaha, codsiga diiwaangelinta shirkadaha waa in ay ku lifaaqan yihiin documentiyada soo socda:
 - a) Codsiga ku qoran foom uu soo saaray ama uu ansixiyay Diiwaanhayaha Shirkaduhu.
 - b) Lifaaqayaa nidaamka aasaaska shirkadda iyo heshiiska aasaaska shirkadda. Heshiiska aasaaska shirkadda waa in ay ku tilmaaman tahay magacyada saamileyda, nooca saamiga iyo qaybta saamiga.
 - c) Lifaaq baasaboorrada aasaasayaasha iyo saamileyda shirkadda.
 - d) Wixii kale ee macluumaad Diiwaanhayu weydiiyo si waafaqsan Xeer-nidaamiyahaan iyo Sharciga Shirkadaha.

Qodobka 9aad: Ganacsiyada Nidaamsan

1. Shirkadaha ganacsiga ama adeeg bixinta ee, si waafaqsan sharciyada iyo qawaaniinta kale ee Dalka, ay ku waajibtay ogolaansho ama fasax ay bixiyaan hay'ado kale ee dawladeed, marka ay qaataan shaahadada diiwaangelinta shirkadda iyo laysinka ganacsiga waa in aysan bilaabin hawlhooda ganacsi, ka hor inta aysan codsiin oo aan la siin ogolaanshaha iyo fasaxa laga rabo hawlaha ganacsi ee sida gaarka u nidaamsan.

Qodobka 10aad: Shuruudaha Magaca

1. Diiwaanhayaha Shirkaduhu wuu diidi karaa in uu diiwaangaliyo shirkad leh magac kaas oo:
 - a) lamid ah magac ay shirkad kale horey uga diiwaangashan tahay, ama aad ugu eg magac kale oo ay dhici karto in lagu khaldo, ayna suurto gal tahay in lagu marin habaabiyo dadweynaha,
 - b) ah diin-cay ama anshax xumo ama aflagaado ku ah qof ama koox dad ah,
 - c) Tilmaamaya in ay taageerto ama ka mas'uul tahay Dawlada Soomaaliya ama hay'adaha kale ee Dawladda;
 - d) ka kooban magaca qof jira haddii aanan qofkaasi sidaa qoraal ahaan ku ogolaan.
2. Diiwaanhayaha Shirkaduhu, ka dib marka uu siiyo shirkad fursad lagu dhagaysto, wuxuu u tilmaami karaa shirkadda in ay ku beddesho magaceeda muddo cayiman, taas oo aan ka yarayn 4 toddobaad laga bilaabo taariikhda tilmaanta.
3. Qof kasta oo cabasho ka qaba tilmaanta diiwaanhayaha eek u xusan faqrada labaad (2) ee qodobkaan wuxuu codsi dib u eegis ah u gudbin karaa Wasiirka. Haddii uusan ku qanacsaneyn go'aanka dib u eegista ee Wasiirka, wuxuu racfaaan u gudbin karaa Maxkamadda Sare ee Dalka muddo 30 berri gudahood ah laga bilaabo taariikhda lagu wargeliyey go'aanka Wasiirka.
4. Magaca shirkad dadweyne ama shirkad gaar loo leeyahay oo ku dhisan Sharciga Shirkaduhu waa inuu ku dhammaadaa mid ka mid ah erayada soo socda:
 - (a) "Limited" or "Ltd."
 - (b) "Incorporated" or "Inc."

K. Omar



Qodobka 11aad: Sii Qabsasho Magac

- 1 Qofka doonaya inuu samaysto dhigaal magac shirkadeed wuxuu codsi diiwaangelin dhigaal magac shirkadeed u soo gudbin karaa diiwaanhayaha shirkadaha. Codsiga waa in lagu tilmaamo magaca iyo cinwaanka codsada iyo magaca shirkadda ee uu dalbanayo in loo dhigo.
- 2 Haddii magaca dhigaalka ah uusan ahayn mid horey loo diiwaangaliyey, yahayna magac waafaqsan shuruudaha magaca shirkadda ee ku tilmaaman Sharciga Shirkadaha iyo Xeernidaamiyahaan, waxaa magacaasi dhigaal ku ahaanayaa diiwaanka muddo ugu badnaan 90 maalmood ah.

Qodobka 12aad: Beddelidda Magaca

1. Shirkadda dooneysa in ay beddesho magaceeda waxay codsi usoo gudbineysaa Diiwaanhayaha Shirkadaha iyadoo raacaysa nidaamka Qodobka 10aad ee xeernidaamiyahaan. Diiwaanhayuhu marka uu hubsado in codsiga si sax ah loo buuxiyay wuxuu ku qori doona magaca cusub ee shirkadda diiwaanka shirkadaha isla markaana wuxuu u soo saari doona shirkadda shahaado taas oo muujinaysa isbeddelka magaca.
2. Isbeddelka agaasimayaasha, saamileyda iyo saraakiisha, isbeddelka howlaha ganacsi, waxaa sidoo kale loo gudbin doonaa Diiwaanhayaha Shirkadaha.

Qodobka 13aad: Caddeynta Cinwaanka

1. Waa in lagu tilmaamo foomka diiwaangelinta cinwaanka rasmiga ah ee shirkadda, cinwaanka xubnaha golaha maamulka, nuqul baasaboor, telefon lambar, cinwaan email iyo caddeyn xisaabta bankiga (bank account statement) ee xubin kasta ee golaha maamulka.

Qodobka 14aad: Khidmadaha

- 1 Khidmadda shahaadada aasaaska shirkaddu waa lacag hal mar la bixinayo oo u dhiganta boqol dollar (\$100 USD) waqtiga diiwaangelinta koowaad.
- 2 Khidmadda Laysinka ganacsigu waa ay kala duwan tahay waxayna ku tilmaaman tahay Shaxda 1aad si waafaqsan Sharciga Laysinga Ganacsiga.
- 3 Wax lacag ah lagama qaadi doono xafiiska Xeer Ilaaliyaha Guud, hay'adaha ama waaxaha dawladda marka ay xaraynayaan dukumintiyo ama adeegyo kale uu u qabanayo Diiwaanhayaha Shirkaduhu.
- 4 Caddeynta bixinta khidmadda waa in la diyaariyo oo la siiyo macaamilka adeegga loo qabtay.

Qodobka 15aad: Warbixin Sannadeedka Shirkadda

- 1 Shirkad kasta waa in ay u soo gudbisaa warbixin sannadeed Diiwaanhayaha Shirkadaha sida uu dhigayo qodobkani. Warbixintaas waa in lagu soo gudbiyaa muddo 30 maalmood gudahood ah oo ka bilaabaneynsa maalinta sanad-guurada markiii la bixiyay shahaadada aasaaska shirkadda. Macluumaadka ku jira warbixin kasta oo sanadle ah waa in ay sax ahaadaan wakhtiga la rabo in la gudbiyo.

k. Omar



- 2 Warbixin sannadeedka waa in ay ku jiraan macluumaadka hoos ku taxan:
- (a) Magaca shirkadda.
 - (b) Cinwaanka saldhigga maamulka iyo xarunta shirkadda ku ganacsato (haddii ay ka duwan tahay).
 - (c) Magacyada iyo cinwaanada golaha maamulka, agaasimaha guud ee fulinta, iyo magacyada iyo cinwaanada golaha fulinta (haddii uu jiro).
 - (d) Nooca shirkaddu ay tahay iyo hawlaheeda ganacsi ee ugu muhiimsan.
 - (e) Macluumaadka saamileyda shirkadda, tirada guud ee saamiyadda shirkadda iyo sida loo kala leeyahay.
 - (f) Isbedellada golaha maamulka, golaha fulinta iyo saamileyda, tirada guud ee saamiyada iyo qiimaha saamiyada shirkadda.
 - (g) Xaqiijin in shirkaddu ku shaqaysay hawlaha ganacsiga ee laysinka ku tilmaaman.
- 3 Xafiiska Diiwaanhayaha Shirkadaha ayaa bixin doona foomam loo adeegsado soo gudbinta warbixin-sannadeedka wuxuuna dalban karaa in foomamkaas la isticmaalo.
- 4 Haddii shirkaddu ku guuldareysato in ay soo gudbiso warbixin sannadeedka sida ku xusan Qodobkan, shirkaddu waxay muteysan doontaa ganaax sida ku qeexan Shaxda 1aad.

Qodobka 16aad: Noocyada Lacag Bixinta

- 1 Noocyada lacag bixinta ah ee la aqbalay waxaa ka mid ah lacag caddaan ah, jeeg, iyo wareejin toos ah oo bangi ah, lacagta moobaylka iyo lacag bixinta khadka tooska ah (online payment).

Qodobka 17aad: Diiwaangelinta Khadka Tooska ah (online registration)

- 1 Diiwaanangelinta Shirkadaha waxaa loo sameyn karaa si khadka tooska ayadoo la isticmaalaayo form khad toos ah (online form).
- 2 Diiwaanhayaha Shirkaduhu wuxuu u hayn karaa diiwaanada, oo ay ku jiraan dukumiintiyada ay shirkaduhu u soo gudbiyaan, qaab khadka tooska ah electronic kayd macluumaad kale oo elektaroonik ah, mar haddii diiwaanadaas si fudud loo furi karo, loo arki karo oo loola soo degi karo ama la daabac karo.

Qodobka 18aad: Sixidda Xogta Diiwaangashan

1. Waxaa ay Shirkada ka dalban kartaa Diiwaanhayaha Shirkadaha sixitaanka xog la galiyay diiwaanka haddii:
- a) ay ka kooban tahay wax kasta oo sharciga khilaafsan
 - b) ay ka kooban tahay arrin kaas oo, nuxur ahaan, qaabka loo dhigay ama meesha la dhigay awgeed noonday been ama marin habaabin;
 - c) iyadoo sababtu tahay wax laga tagay ama si qaldan loo sharraxay aan loo dhammaystirin ama khalad ah ama aan sax ahayn.
2. Sixitaanka waxyaabaha fudud waxaa loo gudbinayaa Diiwaanhayaha Shirkadaha si loo cusbooneysiyo diiwaanada shirkadaha.

K. Omar

3. Diiwaanhayaha Shirkaduhu wuxuu diidi karaa codsi kasta sixid ah, go'aankiisana waxaa racfaan looga qaadan karaa Maxkamadda Sare Dalka.

Qodobka 19aad: Diiwaangelinta Laan Shirkad Shisheeye

1. Codsiga diiwaangelinta Shirkad Shisheeye waa in lagu soo lifaaqo:
 - a) Wakaalad (Power of Attorney) diiwaangelin shirkad shisheeye oo nootaayaysan lagana soo tastiiqay Safaaradda Soomaaliya ee dalka shirkadda shisheeye ka diiwaangashan tahay.
 - b) Nuqul Nidaamka Asaasiga (Article of Association) iyo Heshiiska Dhismaha (Memorandum of Association) ee shirkadda, oo notaayaysan lagana tastiiqay Safaaradda Soomaaliya ee dalka shirkadda shisheeye ka diiwaangashan tahay.
 - c) Shahaadada diiwaangelinta shirkadda shisheeye ee uu bixiyey diiwaanahaya dalka shirkadda shisheeye ka diiwaangashan tahay, oo notaayaysan lagana tastiiqay Safaaradda Soomaaliya ee dalka shirkadda shisheeye ka diiwaangashan tahay.
 - d) Nuqul go'aanka golaha saamileyda ee shirkadda oo lagu fasaxayo furitaanka laanta shirkadda ee Soomaaliya, waana in go'aankaasi notaayaysan yahay lagana tastiiqay Safaaradda Soomaaliya ee dalka shirkadda shisheeye ka diiwaangashan tahay.
 - e) Nuqul Baasaboorrada saamileyda ama maamulayaalka shirkadda shisheeye.
 - f) Magacyada iyo baasaboorrada agaasimaha ama agaasimeyaasha shirkadda shisheeye ee Soomaaliya deggan.
 - g) Magaca Wakiilka sharciga ah (Legal Representative) ee shirkadda shisheeye laanteeda Somalia.
2. Diiwaanhayaha marka uu ku qanco in codsiga diiwaangelinta shirkadda shisheeye dhammeystiran yahay, wuxuu siinayaa shirkadda shisheeye Shahaadada Diiwaangelinta Shirkad Shisheeye (Certificate of Registration of Foreign Company).
3. Qodobkaani waxba uma dhimaayo shuruudaha iyo habraaca Sharciga Maalgashiga Shisheeye Ir.13 ee 21/01/2016.

Qodobka 20aad: Xasaanadda

Wax masuuliyad ah loo raaci maayo Diiwaanhayaha Shirkadaha iyo dhammaan hawl wadeenadiisa wax ay sameeyeen ama wax ay ahayd in ay sameeyaan iyagoo u gudanaya, si niyad wanaag ah, waajibaadkooda uu dhigayo xeer-nidaamiyahani.

Qodobka 21aad: Xadgudubyada iyo Ganaaxyada

- 1 Qof kasta oo jabiya xeer-nidaamiyahan ama xeerar kasta oo ay soo saarto Wasaaradda Ganacsiga & Warshadaha oo hoos imanaya Sharciga Shirkadaha 2019 wuxuu geysanayaa xadgudub, wuxuu mutaysanayaa ganaaxa ku tilmaaman Shaxda 1aad.
- 2 Haddii uu khilaaf ku yimaaddo xeer-nidaamiyahani waxaa arrintaa go'aan ka gaadhaya Wasiirka, haddii uu khilaafku dhammaan waayana, waxaa arrintaa racfaan loo qaadan karaa maxkamadda.

k-Omar



Qodobka 22aad: Xeer-Nidaamiyeyaasha

1. Si waafaqsan Qodobka 97aad ee Sharciga Shirkadaha 2019 Wasiirku wuxuu soosaari doonaa wixii xeer-nidaamiyeyaal ah oo meelmarinta sharcigaasi uu hadba u baahdo.
2. Sharciga Shirkadaha Lr.18 ee 26 Disember 2019 iyo Xeer-nidaamiyahaan ayuu ka kooban yahay Xeerka Shirkadaha Soomaaliya waxaana markasta hortabin leh Sharciga Shirkadaha.

Qodobka 23aad: Tirtiris Xeer-nidaamiye Hore

1. Xeer-nidaamiyehaani wuxuu tirtirayaa Xeer-nidaamiyaha Lambar 001/2020 ee 27 Diseember 2020.

Qodobka 24aad: Dhaqangalinta

1. Xeer-nidaamiyehani wuxuu dhaqan gelayaa marka uu saxiixo Wasiirka Ganacsiga iyo Warshadaha laguna soosaaro Faafinta Rasmiga ee Jamhuuriyadda Federaalka Soomaaliya.

Xil. Khaliif Cabdi Cumar
Wasiirka Ganacsiga iyo Warshadaha
Muqdisho, 27 January, 2021



Shaxda 1aad
Khidmadda Aasaasidda Shirkadaha

ADEEG	Lacagta	Wakhtiga
Soo saaridda shahaadada aasaasidda shirkadaha	Lacag u dhiganta \$100	1 maalin
Soo saaridda nuqul koobi ah oo shahaadada aasaasidda shirkadaha	Lacag u dhiganta \$ 25	1 maalin
Soo gudbinta magac beddelid	Lacag u dhiganta \$ 100	1 maalin
Dib u diiwaangelin, tusaale marka shirkado isku biiraan ama isbeddel weyn dhaco	Lacag u dhiganta \$ 100	1 maalin
Soo gudbinta Warbixinta Sannadlaha ah	Bilaa Khidmad/Bilaash	
Soo gudbinta in si ikhtiyaar ah looga saaro magac diiwaanka	Bilaa Khidmad/Bilaash	
In qaab elektaroonig ah loo baadho diiwaanada	Bilaa Khidmad/Bilaash	1 maalin
Ka diiwaangelinta shirkad shisheeye ah dalka Soomaaliya	Lacag u dhiganta \$ 100	Ugu badnaan shan (5) todobaad
Beddelida magaca shirkadda ama magac kale oo ay leedahay shirkad shisheeye	Lacag u dhiganta \$ 100	Ugu badnaan afar (4) todobaad.
Baaris magac shirkadeed ama ganacsi	Khidmad la'aan	Waxa ay ku xidhantahay nooca adeegga

K. Omar



Dhigasho magac shirkadeed	Khidmad \$20	Waxa ay ku xidhantahay nooca adeegga
Nuqul macluumaadka shirkad diiwaangashan	Khidmad \$20	Waxa ay ku xidhantahay nooca adeegga

Shaxda 2aad

Ganaaxyada

Dib u dhac Warbixin Sannadeedka	Ganaaxa
Dib u dhac 4 bilood ah	10% (boqolkiiba toban) qiimaha laysinka ganacsiga ee shirkaddu haysato.
In ka badan 1 sanno	Digniin in 60 maalin gudahood lagu soo gudbiyo warbixin sannadeedka. Marka ay dhammaato muddada 60 maalin, waxaa shirkadda laga tirtirayaa diiwaanka shirkadaha.

k. omar



Shaxda 3aad

Sumadda Abla-ablaynta Hawlaha Ganacsiga (ICC)

Summadda Abla-ablaynta Hawlaha Ganacsiga (Industrial Classification Code) waxaa kala tilmaamayaan noocyada kala duwan ee hawlaha ganacsiga iyo wax soosaarka. Hal ganacsi ayaa wuxuu yeelan karaa mid ama in ka badan oo summadaha ICC ah.

A. BEERAHA, DHIRTA IYO KALLUUMAYSIGA

ICC	WAAXDA	Kharashka (USD)
A1	WAX SOO SAARKA BEERAHA -- DALAGA	\$300
A2	WAX SOO SAARKA BEERAHA - XOOLAHA	\$300
A3	ADEEGYADA BEERAHA	\$300
A4	DHIRTA	\$300
A5	UGAADHSIGA	\$300
A6	KALLUUMAYSIGA	\$300
A7	ADEEGYADA KALLUUMAYSIGA	\$300
A8	WAX SOO SAARKA BEERAHA - DIGAAGGA	\$300

B. MACDANTA

ICC	WAAXDA	KHARASHKA (USD)
B1	QODISTA BIRAHA	\$1,000
B2	QODISTA MACDANTA	\$3000
B3	SOO SAARIDDA SALIIDDA IYO GAASKA	\$3000
B4	MACDANTA AAN BIRTA AHAYN OO AANAY KU JIRIN SHIDAALKU	\$500

C. DHISMAHA

ICC	WAAXDA	COST (USD)
C1	QANDARAASLAYAASHA DHISMAHA GUUD (ADEEGGA)	\$300
C2	QANDARAASLAYAASHA DHISMAYAASHA WAAWEYN	\$500
C3	QANDARAASLAYAASHA GAARKA AH (SOO DHOOFINTA QALABKA DHISMAHA)	\$300

D. WAX SOO SAARKA

Tani waxaa ay ku xidhaan doontaa dakhliga sannadlaha ah iyo tirade shaqaalaha sida ay tilmaamayaan qeexitaanada siyaasadda ganacsiga yar-yar iyo kuwa dhexe (SME)

Umar



	<u>Tirada Shaqaalaha</u>	<u>Hantida Guud</u>
<u>Aad u yar (Micro)</u>	<u>1-5</u>	<u>\$1,000 - \$10,000</u>
<u>Yar-yar (Small)</u>	<u>6 - 50</u>	<u>\$10,001 - \$50,000</u>
<u>Dhexdhexaad (Medium)</u>	<u>51-100</u>	<u>\$50,001 - \$100,000</u>
<u>Weyn (Large)</u>	<u>101 iyo ka badan</u>	<u>100,001 and more</u>

ICC	Qeybta	KHARASHKA (USD)			
		Aad u Yar	Yaryar	Dhexdhexaad	Waaweyn
D1	CUNTOOYINKA IYO WIXII LA XIRIIRA	\$300	\$500	\$700	\$1,000
D2	SOO SAARAYAASHA BUURIGA	\$300	\$500	\$700	\$1,000
D3	ALAABTA MASHIINKA DHARKA	\$300	\$500	\$700	\$1,000
D4	ALAABTA DHARKA	\$300	\$500	\$700	\$1,000
D5	ALAABTA GEEDAHA IYO ALWAAXDA	\$300	\$500	\$700	\$1,000
D6	ALAABTA GURYAHA IYO QURXINTA	\$300	\$500	\$700	\$1,000
D7	WARAAQAHA IYO ALAABAHA LA XIDHIIDHA	\$300	\$500	\$700	\$1,000
D8	DAABACAADDA IYO BAAHINTA	\$300	\$500	\$700	\$1,000
D9	KIMIKOOYINKA IYO ALAABAHA LA XIDHIIDHA	\$300	\$500	\$700	\$1,000
D10	ALAABAHA SHIDAALKA IYO DHUXUL-DHAGAXDA	\$300	\$500	\$700	\$1,000
D11	CAAGGA IYO ALAABAHA BALASTIGA KALA DUWAN	\$300	\$500	\$700	\$1,000
D12	SAANTA IYO ALAABAHA SAANTA	\$300	\$500	\$700	\$1,000
D13	ALAABAHA DHAGAXA, DHOOBADA IYO QURAAARADDA	\$300	\$500	\$700	\$1,000
D14	WARSHADAHA BIRTA	\$300	\$500	\$700	\$1,000
D15	MASHIINADA, OO AANAY KU JIRIN KUWA KORONTADA	\$300	\$500	\$700	\$1,000

K. Omar



D16	QALABKA KORONTADA IYO KUWA ELEKTARONIGA	\$300	\$500	\$700	\$1,000
D17	QALABKA GAADIIDKA	\$300	\$500	\$700	\$1,000

E. GAADIIDKA IYO BAAHIYAHA DADWEYNAHA

ICC	WAAXDA	KHARASHKA (USD)
E1	GAADIIDKA TAREENADA	\$500
E2	GAADIIDKA GUDAHA IYO MAGAALOYINKA DHEXDODA	\$300
E3	GAADIIDKA XAMMUULKA IYO BAKHAARADA	\$500
E4	ADEEGGA BOOSTADA	\$300
E5	GAADIIDKA BIYAHA	\$300
E6	GAADIIDKA HAWADA	\$1,000
E7	QASABADAHA, LAGA REEBO KUWA GAASKA DABIICIGA	\$300
E8	ADEEGYADA GAADIIDKA	\$300
E9	IS-GAADHSIINTA	\$3,000

F. GANACSIGA JUMLADDA AH

ICC	WAAXDA	COST (USD)
F1A	GANACSIGA JUMLADDA – ALAABTA WAARTA	\$300
F2A	GANACSIGA JUMLADDA – ALAABTA AAN WAARAYN	\$500

G. GANACSIGA TAFARIIQDA

ICC	WAAXDA	KHARASHKA (USD)
F1	QALABKA DHISMAHA IYO AGABKA BEERAHA	\$300
F2	DUKAANADA ALAABTA GUUD	\$300
F3	DUKAANADA CUNTADA	\$300
F4	DUKAANADA ALAABTA GAWAADHIDA & XARUMAHA ADEEGYADA	\$300
F5	DUKAANADA DHARKA IYO AGABKA WEHELIYA	\$500
F6	DUKAANADA QALABKA GURYAHA IYO ALAABTA LAGU QURXIYO GURYAHA	\$500
F7	GOOBAHA CUNTADA IYO CABITAANKA	\$300
F8	TAFARIIQ ALAABAHA ISKU-JIRKA AH	\$300

H. MAALIYADDA, CAYMISKA IYO HANTIDA MA GUURTADA AH

le-omar



ICC	WAAXDA	KHARASHKA (USD)
G1	BANGIYADA	\$3,000
G2	XARUMAHA DEYN-BIXINTA, OO AANAY KU JIRIN BANGIYADU	\$500
G3	DILLAALIINTA ALAABAHA IYO SECURITYGA IYO ADEEGBIXIYEYAASHA	\$1,000
G4	SHIRKADAHA CAYMISKA	\$1,000
G5	WAKIILADA CAYMISKA, DILLAALINTA IYO ADEEG-BIXIYEYAASHA	\$500
G6	HANTIDA MA GUURTADA AH	\$300
G7	XAWAALADAHA	\$1000

i. **ADEEGYADA**

ICC	WAAXDA	COST (USD)
H1	HUDHEELADA IYO GOOBAHA KALE EE LA DAGO	\$500
H2	ADEEGYADA XIRFADDA	\$300
H3	ADEEGYADA GANACSIGA (TALO-BIXINTA)	\$300
H4	DAYACTIRKA GAWAADHIDA, ADEEGOODA IYO GEERASHYADA	\$300
H5	ADEEGYO KALA DUWAN OO DAYACTIR AH	\$300
H6	ADEEGYADA MAAWEELADA IYO MADODAALADA	\$300
H7	ADEEGYADA CAAFIMAADKA	
	CUSBITAALADA	\$800
	XARUN CAAFIMAAD	300
H8	ADEEGYADA SHARCIGA	\$300
H9	ADEEGYADA WAXBARASHADA	
	DALADAHA WAXBARASHADA	\$500
	JAAMACAD	\$1,000
	DUGSIYADA SARE	\$300
	MAC-HAD	\$300
H10	ADEEGYADA BULSHO	\$300
H11	MAXDAFYADA IYO BEERAHA DHIRTA IYO XAYAWAANKA	\$300
H12	URURADA XUBINIMADA	\$300
H13	ADEEGGA MAAMULKA	\$300
H14	DAABULKA IYO SAADKA	\$500
H15	ADEEGYADA INTERNETKA IYO ICT	\$300
H16	ADEEGYO ISKU-DHAFAN	\$300

K. Omar



H17	SOO DEJINTA GUUD (GENERAL IMPORT)	\$2,000
H18	DHOOFINTA GUUD (GENERAL EXPORT)	\$1,500
H19	SOO DEJINTA IYO DHOOFINTA GUUD	\$3,000
H20	SOO DEJINTA DAAWADA	\$500
H21	SOO DEJINTA JAADKA IYO SIGAARKA	\$2,000
H22	SOO DEJINTA DAHABKA	\$1,000
H23	XAJ IYO CUMRA	\$500
H24	ADEEGA SAFARRADA	\$300
H25	XABAGTA IYO BEEYADA	\$300
H26	ISQURXINTA (COSMETICS)	\$1,000
H27	MAAMULKA IYO TAYO DHISKA	\$500
H28	ADEEGA NADAAFADDA	\$300
H29	SHIRKADAHA AJAANIBTA	\$3,000
H30	SHIRKADAHA ISKUJIRKA SOOMAALI AJAANIB	\$3,000
H31	SOO DEJINTA SHIDAALKA IYO GAASKA	\$1,000

K - HAWLAHA IYO ADEEGYADA KALE

ICC	WAAXDA	KHARASHKA (USD)
K1	HAWLAHA IYO ADEEGYADA KALE	\$1,000

K. Omar

